

鮮何與自割群臣忽莫能對於是天皇大怒拔刀斬御者大津馬飼是日車駕至自吉野宮國內居民咸皆振怖

〔日本書紀雄略〕四年二月天皇射獵於葛城山忽見長人來望丹谷面貌容儀相似天皇天皇知是神猶故問曰何處公也長人對曰現人之神先稱王諱然後應道天皇答曰朕是幼武尊也長人次稱曰僕是一事主神也遂與盤于遊田驅逐一鹿相辭發箭並轡馳騁言詞恭恪有若蓬仙於是日晚田罷神侍送天皇至來目水是時百姓咸言有德天皇也

〔日本書紀雄略〕四年八月庚戌幸于河上小野命虞人駢獸欲躬射而待虵疾飛來嚼天皇臂於是蜻蛉忽然飛來齧蠱將去天皇嘉厥有心詔群臣曰為朕讚蜻蛉歌賦之群臣莫能敢賦者天皇乃口號曰野摩等能鳴武羅能陀該爾之符須登拖例柯舉能居登餒哀麻陛爾麻鳴須一本以餒哀麻陛爾摩須餒哀積瀾籛賊據鳴枳舸斯題拖磨々積能阿娛羅爾陀々伺一本以陀陀施都磨枳能阿娛羅爾陀伺斯磨都登倭我伊麻西磨佐謂麻都登倭我陀々西磨陀俱符羅爾阿武柯枳都枳都會能阿武鳴枳豆波野俱譬波賦武志謀餒哀積瀾爾磨都羅符儼我柯陀播於柯武枳岐豆斯麻野麻登一本以志謀以下易舸矩能御等難爾於婆武登蘇羅瀾豆野磨等能矩爾鳴枳岐豆斯麻等以符因讚蜻蛉名此地為蜻蛉野

〔日本書紀雄略〕五年二月天皇校獵于葛城山靈鳥忽來其大如雀尾長曳地而且鳴曰努力努力俄而見逐噍猪從草中暴出逐人獵徒緣樹大懼天皇詔舍人曰猛獸逢人則止宜逆射而且刺舍人性懦弱緣樹失色五情無主噍猪直來欲噬天皇天皇用弓刺止舉脚踏殺

〔日本書紀天智〕七年五月五日○五日恐甲申朔戊子誤天皇縱獵於蒲生野于時大皇弟○天諸王內臣○藤原及群臣皆悉從焉

〔日本書紀天武〕十九年十月天皇將蒐於廣瀨野而行宮構訖裝束既備然車駕遂不幸矣唯親王以下及群卿皆居于輕市而檢校裝束鞍馬小錦以上大夫皆列座於樹下大山位以下皆親乘之共隨大路